

# भारत छोड़ो आन्दोलन का तूफानी रूप

० डा० सत्यपाल श्रोवत्स

पृष्ठ भूमि—

सन् 1857 ई० च जिस भारती अजादी दी लड़ाई का मुँह रानी झांसी, मंगल पांडे, तात्या टोपे वगैरा देश-भक्तों पाया हा उन्न 1942 ई० तक अपने इतिहास दे 85 बरें पूरे करने तक ओ तूफानी रूप अख्तयार करी लेआ हा जिस कन्ने अंग्रेजी सरकार दी गद्दी गै कंबन लगी पेई ही । इनें 85 बरें च अजादी दी लड़ाई ने केई उतार-चढ़ाउ दिक्खे हे ते कन्ने केई रूप बी अपनाए हे ते अंग्रेजी सरकार ने भारती लोकें उप्पर रोंगटे खड़े करी देने आले अत्याचार कित्ते हे पर भारती लोकें अपनियां छातियां तानियै, गोलियां-लाठियां झल्लियां ते केई कुर्बानियां देइयै बी अपनी जंग जारी रक्खी ही । अत्याचारी अंग्रेज सरकार ने केई बे-गुनाहें गी गोलियों कन्ने डुआई दित्ता हा ते केइयें गी फांसी दे फंदे उप्पर लटकाई दित्ता हा । इंदे च चंद्रशेखर आजाद, शौकत अली, “मेरा रंग दे बसंती चोला” गीत लिखने आले पं० राम प्रसाद बिस्मिल, करतार सिंह सराबा, भगतसिंह, राजगुरु ते कन्ने जर्नल डायर दियें गोलियों दे शकार ज्हरां ज'ल्लेआं आले बाग दे शहीद शामिल न ।

इनें कुर्बानियें कन्ने ज्हरां मीरीं पुत्तर बजोगनी होई गेइयां ते ज्हरें सुहागनी दे संदूर पंजोई गे हे, ते केई ज्हरां बच्चे जतीम होई गे हे ज्हरां भैंनां अपने भ्राएँ गी रक्खड़ियां पुजाने कोला म्हेशां लेई बंचत होई गेइयां हां ।

1857 ई० आले पैहूले सुतंत्रता संग्राम दे बाद अंग्रेजी सरकार ने भारत च अपनियां ज्हां मजबूत करने आसतै नेकां घृणत हथकंडे अपनाए हे जिंदा जिकर रोंगटे खड़े करी दिदा हे । उस सख्त नीति कन्ने भारती लोक किश देर दबोए जरूर रेहू हे पर जियां-जियां दुनियां दे गुलाम राष्ट्र सुतंत्र होंदे गे भारतियें दे दिलें अंदर बी अंग्रेजी सरकार दे बहद अग्य भड़कदी गेई । ईस्वी सन् 1884 च एड्यूज नां कन्ने मशहूर इक चोरपियन दे दमाग च इक सत्प्रेरणा आई ते उनें बंबई च इंडियन कांग्रेस दी नीहू, रक्खी ।

शीराजा : मार्च '93 / 13

इस पार्टी का शुरू च भाएं मकसद इंटलैक्चुयल क्लास गी इक सांझे मंच उप्पर किट्ठा करिये भारती समाज दिये रोजमर्रा दिये समस्एं दे हल करने दे पुआऽ हूँदने तक गै सीमत हा। पर बाद च बल्ले-बल्ले इस पार्टी दे सदस्ये दे दिलो-दमाग च मुलखे दी सुतंतरता आस्तै तांह ग उब्भरन लगी पेई ही जेहू डी लोक मान्य तिलक हुंदे द्वारा इस पार्टी का नेतृत्व संभालने कन्ने होर मती प्रबल होई गेई ही ते उनें भारतवासिये गी “सुतंतरता स्हाड़ा जन्मसिद्ध अधिकार ऐ” नाहूरा दित्ता हा। ते पही जिसलै म्हात्मा गांधी होर बी यूरोप च रेहिये भारतिये कन्ने किते जा करदे बुरे व्यवहार गी दिक्खिये कौड़े अनुभव लेइये भारत च आए तां उनें बी बकालत दे पेशे गी लत्त मारिये कांग्रेस पार्टी च शामिल होइये सुतंतरता प्राप्ति आस्तै संघर्ष करना गै ठीक समझेआ। ओ औंदे गै उस पार्टी उप्पर छाई गे हे ते उनें इसी नेहा राष्ट्रव्यापी रूप दित्ता जे इंदे कोला प्रेरणा लेइये मोतीलाल नेहरू, पं० जवाहर लाल नेहरू, सरदार पटेल, मौलाना अब्दुलकलाम आजाद, आचार्य कृपलानी, सुभाष चन्द्र बोस, पं० मदन मोहन मालवीय बगैरा नेकां नेता बी कांग्रेस बिच शामिल होई गे हे। पही केहू हा सुतंतरता प्राप्ति आस्तै देशव्यापी लैहू घर-घर फैलन लगी ही। सन् 1919, 1920, 1930 ते 1932 ई० च चार जबदस्त देशव्यापी आंदोलन कन्ने इक जनचेतना ते देशभक्ति दी भावना ने औस्तन भारतवासिये दे दिलो-दमाग उप्पर अपनी छाप बठाली दित्ती ही। इसै देशव्यापी जनशक्ति गी भांपिये 26 जनवरी 1929 ई० गी लाहौर दे कोल रावी नदी दे कनारे आयोजत आखिल भारती कांग्रेस दे अधिवेशन बिच पं० जवाहर लाल नेहरू दी अध्यक्षता बिच ‘पूर्णसुराज’ हासल करने आस्तै इक दृढ़ संकल्प कित्ता गेआ हा। उसदे बाद सन् 1939 च भाएं अंग्रेजी सरकार ने भारतिये गी अंतरिम सरकार बनाने दी इजाजत देई दित्ती ही पर तीले दे मैहूल आला लेखा झट्ट बनी ही ते झट्ट गै त्रुट्टी बी गेई ही। सन् 1939 ई० गी कांग्रेस ने अपनी खास बैठक करिये अंग्रेज सरकार कोला दो सवाल पुच्छे हे : (1) दूए विश्व युद्ध दे बाद भारत दी विश्व दे राष्ट्र दे बशकार कनेही स्थिति होग ? (2) क्या दूए विश्व युद्ध दे बाद भारत दी सुतंतरता जकीनी होग ? अंग्रेजी सरकार ने इनें सबाले गी बेहूदा आखिये अनसुनी करी दित्ती ही। उसलै अंग्रेज सरकार दूए विश्व युद्ध च उलझी दी ही। म्हात्मा गांधी होरे सिविल ना-फरमानी आंदोलन चलाया ते 30000 लोक जेले च भेजी दित्ते हे।

**आंदोलन का रंभ :—**पही आई गेआ हा सन् 1942 ई० का जून महीना, जिसलै भारत छोड़ो आंदोलन गी चलाने दी योजना साकार कित्ती गेई ही। जिसदी कल्पना करने का सेहूरा सरदार पटेल हुंदे सिर हा। उंदी इस योजना का आचार्य कृपलानी ते उंदी पत्नी सुचेता कृपलानी बगैरा ने पूरा समर्थन कित्ता हा। उसलै ए नेता लोक नैनीताल दे बिरला हास च ठेहूरे दे हे। उसदे किश दिनें परैत सरदार पटेल होरे इस आंदोलन गी चलाने आस्तै म्हात्मा गांधी हुंदा शीरबाद लेइये सुचेता कृपलानी गी नैनीताल टेलीफोन करिये आखेआ हा—‘सुचेता तुस दोए बंबई आई जाओ ते किश चिर स्हाड़े कन्ने बी रेही लैओ। कुन जानदा ऐ जे असें ई किट्ठा रोहूने का मौका पही कहुं मिलग ? मिलग बी जां नैई ?

इस मन्हूस जनेहू साददे कन्ने डरी-त्राही दी सुचेता ने आचार्य कृपलानी कन्ने इस बारे च गल्ल कित्ती तां ओ बी बिद त्रिभकी पे हे ते आखन लगे हे जे सेही होंदा ऐ जे सरदार होरे बाहू हुंदा मन भलेआं भांपी लेआ ऐ खैर करो तयारी बंबई चलने दी।

सन् 1942 ई० दे शुरू च जिसलै जपान नै दक्खन एशिया पासै बधना शुरू करी दित्ता हा तां ब्रिटिश सरकार ने लंदन थमां मंत्रीमंडल च मजदूर पार्टी दे सदस्ये सर स्टा-फोर्ड क्रिप्स गी कांग्रेसी नेते कन्ने गल्ल-बात करने आस्तै भेजेआ हा। पर तत्कालीन वायसराय लार्ड लिनलिथगो ते प्रधान मंत्री चर्चिल दी आपसी रस्सा-कशी दी बंजा कन्ने क्रिप्स मिशन फेल होई गेआ हा म्हात्मा गांधी सरदार पटेल ते जवाहर लाल जनेहू चोटी दे नेता अंग्रेजे दिये चाले कोला अति तंग आई चुके दे हे। इस लेई म्हात्मा होरे पूर्ण सुतंतरता दी प्राप्ति आस्तै इल देश-व्यापी आंदोलन चलाने आस्तै बड़ी गंभीरता कन्ने सोचना शुरू करी दित्ता हा। सरदार पटेल हुंदी भारत छोड़ो आंदोलन दी योजना बी उंदे दमाग च ही। पर ओ समझदे हे अंग्रेज सरकार गी भारत छोड़ने आस्तै ललकारने लेई पैहूले बड़ी तयारी करने दी लोड़ ऐ। इस लेई उंदी आज्ञा कन्ने बंबई बिच गै 10000 कांग्रेसी स्वयं सेवके दी इक गुप्त सेना तयार करनी शुरू करी दित्ती ही। इसदे कन्ने-कन्ने म्हात्मा होर ए बी चांहूदे हे जे ब्रिटिश सरकार भारत वासिये गी आजादी देने लेई मन्नी जा ते इस बारे च पक्का भरोसा दुआऽ तां दुश्मन दे हमले का हर भारत वासी मकाबला करिये भारत दी रक्षा करग। पर इस योजना दे बारे च कांग्रेस दे केई कार्यकर्ता नराज होई गे हे पर जुलाई महीना औंदे तक केई बैठकां करिये कांग्रेसी नेते अपने मतभेद दूर करी ले हे। 20 जुलाई 1942 गी गांधी हुंदे बंबई नवास ‘मणि भवन’ च कांग्रेस दी इक बैठक होई थी। जिसदे च भारत छोड़ो आंदोलन दी रूपरेखा गी अंतिम रूप दित्ता गेआ हा ते कन्ने इस बारे च देश-व्यापी तयारी का पूरा-पूरा जायजा बी लैता गेआ हा। इस बारे च चंगियां सूचनां मिलने कन्ने म्हात्मा हुंदे चेहूरे पर इक खास किसम दी चमक ते आत्म-विश्वास आई गेआ हा। उनें दिनें गै म्हात्मा होरे अपने ‘हरिजन’ पत्तर च इक लेख राहे अंग्रेजे गी साफ-साफ आखी दित्ता हा—असें गी बेशक आपराजी दी हालती च छोड़ी देओ पर तुसें गी परमात्मा का बास्ता ऐ तुस इत्थुं का अपना बोरिया-बिस्तरा गोल करो ते अपने देस चली जाओ।

पही आई गेआ हा 7 अगस्त 1942 ई० का दिन जिस दिन अखिल भारतीय कांग्रेस कार्यकारिणी ने बंबई दे गोआलिया टैंक मदान च हंगामी बैठक करिये 9 अगस्त 1942 ई० कोला चलाए जाने आले देश-व्यापी ‘भारत छोड़ो’ आंदोलन कार्यक्रम गी अंतिम रूप दित्ता हा ते कन्ने अपनी तयारी ते शक्ति का पूरा-पूरा जायजा बी लैता हा। उसै दिन इत्थे इक बड़ा भारी पब्लिक जलसा बी होआ हा ते गोआलिया टैंक मदान गी ‘अगस्त क्रांति मदान’ नां ते जनता गी ‘करो जां मरो’ का नाहूरा बी दित्ता हा। पर ए चजे आली गल्ल ऐ जे उस जलसे च सबाऽ नेताजी सुभाष चन्द्र बोस दे सब्बे चोटी दे नेता हाजर हे। इन्ना जरूर होई गेआ हा जे नेता जी हुंदे भा शरत चन्द्र होर उत्थे आई पुजे हे जिनै गी सरदार पटेल होरे झट्ट उठिये गले कन्ने लाया हा। ओ दक्ख दिक्खिये जलसे च

हाजर लखें लोकें ताड़ियें कन्नै इन्हें दौनीं नेतें दा स्वागत कित्ता हा । लोकें गी विश्वास होई गेआ हा जे बोस परिवार ते सरदार हुं दे इखतलाफात दूर होई गे न । इसदा नतीजा भारत छोड़ो आंदोलन दी पूर्ण कामयाबी उप्पर चंगा गै पौग ।

उस पब्लिक जलसे गी सरदार पटेल होरें अपने जवरदस्त जोशीले भाषण कन्ने संबोधन करदे होई भारत छोड़ो आंदोलन गी सुतंतरता प्राप्त आस्तै भारतवासियें दा खीरले थिहार दा नां देख्यै भारत दी सारी जनता गी बगैर कुसै मजहब-मिल्लत दे इक झंडे दे थल्लै आइयै ब्रिटिश साम्राज्यवाद दे कफन गी ठोकी-ठोकी किल्ल लाने आस्तै आवाहन कित्ता हा । उनें ए बी आखेआ हा जे स्हाड़ा युद्ध शांति पूर्ण होग भाएं किन्नियां गै लाठियां झल्लनियां पौडन । अस मरी मिटगे पर अजादी लेइयै गै छोड़गे । सरदार हुं दे भाषण दा जलसे च आए दे ज्हारें-लखें लोकें केई बारी ताड़ियां बजाई बजाइयै-समर्थन कित्ता हा ।

पं० जवाहर लाल नेहरू, मौलाना आजाद ते बाकी नेतें दे भाषणें दी बी लोकें ताड़ियां बजाई-बजाई दाद दिती ही । जिसलै म्हात्मा गांधी होरें अपना भाषण शुरू कित्ता तां बी ताड़ियें दी गड़गड़ाहट होई ही । लोकें गांधी हुंदा भाषण बड़े ध्यान कन्ने सुनेआ हा । उसलै म्हात्मा होर इयां सेही होंदे हे जियां कोई देव मूर्ति मंच उप्पर स्थापित कित्ती दी होए । उनें उसलै अपने भाषण च 45 मिट तक वायसराय लिनलिथगो दे परोआर कन्नै अपने नजदीकी रिश्ते दी ब्याख्या कित्ती ही जिसी सुनने आलें पैह्ले ते भला नेईं हा भाया, पर असल च म्हात्मा होर संसार गी ए यकीन कराना चाहंदे हे जे भारत बासियें दी दुश्मनी अंग्रजें कन्ने नेईं बल्के अंग्रजी क्हुमता कन्नै ऐ ।

अपने भाषण दे खीर च गांधी होरें अंग्रजी सम्राजवाद दी बड़े कठोर शब्दें कन्नै फिदा कित्ती ही ते कन्ने पक्की ते चुनौती भरी बाज कन्नै आखेआ हा—अजादी हासल करने आस्तै ए स्हाड़ी खीरी लड़ाई ऐ । मदान त्यार ऐ घैंटी बज्जी चुक्की दी ऐ । ते बक्त आई ठुके दा ऐ—‘करो जां मरो ।’ हल्थ उच्चे करियै ‘करो जां मरो’ नाहुरा लाया तां इसदा उत्ये बैठे दे अनगिनत लोकें पर जाडुई असर होआ हा ।

दूए दिन यनी 9 अगस्त 1942 गी भारत छोड़ो आंदोलन दी लैहर इक तूफान आला लेखा सारे भारत च फैली गेई ही । इयां सेही होंदा हा जे ‘करो जां मरो’ नाहुरे दा मिसमिरेज्म आला लेखा असर होआ हा । सारा भारत गै आखो जागी पेदा हा । भारत दे कोने-कोने च शांति जलूस निकलन लगी पे हे । ‘लेके रहेंगे आजादी’, ‘सुतंतरता हमारा जन्मसिद्ध अधिकार है’, ‘करो या मरो’ लाठी गोली की सरकारें नहीं चलेगी नहीं चलेगी, इत्यादि नेकां किसमें दे नाहुरे लां दे भारती लोक हर शैहर-कस्बे ते कुतै-कुतै प्राएं च ज्हारें-बद्धे जलूस कड्डन लगी पे हे ते अंग्रजी सरकार दी पुलसा दियां लाठियां ते गोलियां हसदे-हसदे खान लगे हे । ते सरकार दी समूहक गिरफ्तारी (Mass arrest) नीति दी बंजा कन्नै ज्हारें दी तदाद च जेलें च गे हे । इस जोश-खरोश दा देसी रियासतें दी जनता उप्पर किश घट्ट असर हा । इसदा कारण हा उंदे मुं दे उप्पर दोहरी गलामी दे जुंगले दा असर । अंग्रजी सरकार दी दमन नीति दी बंजा कन्ने ज्हारों लोक जेलें च ठूसी दिते गे हे ।

केई निहत्थे पुलस दियें गोलियें ते लाठियें कन्ने शहीद होई गे हे । 9 अगस्त 1942 ई० गी शुरू कित्ते दा ‘भारत छोड़ो’ आंदोलन अज्ज अगस्त क्रांति दे नां कन्नै सुतंतरता दे इतिहास च मशहूर होई गेदा ऐ ।

म्हात्मा गांधी उंदी पत्नी कस्तूरबा गांधी ते उंदे सचिव महादेव देसाई गी पूना दे आगाखां पैलेस च बंद करी दित्ता हा ते जवाहर लाल नेहरू, सरदार पटेल, मौलाना आजाद, आचार्य कृपलानी बगैरा गी ऐहमदाबाद जेल च भेजी दित्ता हा । इयां गै बाकी शैहरें च बी कांग्रेसी नेतें ते स्वयं सेवकें गी ते बाकी जलूसें च शामिल होन आलें ज्हारें लोकें गी जेलें च भेजी दित्ता हा । संक्षेप कन्नै आखेआ जाई सकदा ऐ जे सरकार ने उस आंदोलन गी कुचलने आस्तै अपना एड़ी-चोटी दा जोर लाई दित्ता हा । पर आंदोलन दिन प्रति दिन जोर गै पकड़दा गेआ हा । पर कन्नै ए बी होई गेआ हा जे गांधी ते उंदे पक्के शिष्यें दे जेलें च चली जाने करी ओ शांति आंदोलन मती हृद तक क्रांति आंदोलन च बदली गेआ हा । नतीजे दे तौर पर तोड़-फोड़, बिजली ते टेलीफोन दियां तारां कट्टनियां, सरकारी इमारतें गी अग्नीं लानियां बगैरा आम गल्ल होई गेई ही । बंबई, पूना, मद्रास, दिल्ली, फानपुर, कलकत्ता, लखनऊ, इलाहाबाद शैहरें च ते अगस्त क्रांति ने बड़ा गै भँकर रूप अखतार करी लेआ हा । आगाखां पैलेस च बंद म्हात्मा होर आंदोलन दे हिंसक रूप अखतार करी लैने दी खबरां सुनियै अति दुखी होंदे हे । पर जनता बी केहू करी सकदी ? ओ बी ते अंग्रजी सरकार दे जुमें कोला अति दुखी होई गेदी ही । उनें बी ते अपनी खिन्न कुसै तरीके कन्नै ते बाहूर कड्डनी गै ही । इससै करी ओ ‘भारत छोड़ो आंदोलन’ दा दूआ नां जेकर अगस्त क्रांति ऐ तां त्रिया नां तूफानी क्रांति बी होई सकदा ऐ । इक अंदाजे दे मताबक यकमुस्त 99000 आदमी जेलें च ठूसी दिते गे हे । उस आंदोलन गी होर चंगी चाल्ली कारगर ते सफल बनाने आस्तै किश उत्साही गभरुएं भूमिगत (under ground) पर चलदा-फिरदा (Portable) आकाशवाणी केंदर (Radio Station) बी चालू कित्ता हा । मधु लिमेये (इसलै हिंदुस्तानी आंदोलन कन्नै संबद्ध) होर अपने इक लेख च आखदे न जे उस केंदर दा नां ‘बाईस आफ इंडिया’ (Voice of India) रक्खेआ गेआ हा । (दिक्खो टाइम्स आफ इंडिया अगस्त 9, 1942 सफा 14 नई दिल्ली) बाद च ए ‘कांग्रेस रेडियो’ नां कन्नै मशहूर होई गेआ हा । उस केंदर दी स्थापना दी इस लेई बी मती लोड़ ही जे इक सरकारी आकाशवाणी केंदर उप्पर सरकार दा नियंत्रण हा ते दूआ समाचार पत्तरें उप्पर बी संसरशिप जाई देने करी ‘भारत छोड़ो’ आंदोलन गी सफल बनाने लेई मीडिया चाहिदा हा । नतीजे दे तौर पर इक 20 बरें दे बंबई दे बपारी बिट्ठल दास खेकर ने उषा मेहता (22) चंदर कांत शबेरी (23) ते बिट्ठल शबेरी (27) गी कन्नै लेइयै इस केंदर गी बंबई च कुतै चालू कित्ता ते 3 सितंबर 1942 गी 41.78 मीटर उप्पर बाकायदा इस थमां ‘भारत छोड़ो’ आंदोलन ते कांग्रेस पार्टी दियें गतिविधियें ते कार्यक्रम दे बारे च प्रसारण शुरू करी दित्ता हा । पर ए केंदर बिच थोड़े जिन्ने व्यवधान कन्नै सिर्फ 11 नवंबर 1942 तक गै चालू रेही सकेआ हा । मधु लिमेये हुंदा आखना ऐ जे उस केंदर दी स्थापना आस्तै डा० राम मनीहर लोहिया होरें बड़ी मदद कित्ती ही, खास करियै धन किट्ठा करने च ते उनें गै

पैह्ल किती ही ।

इंयां सरकार दी दमन-नीति वी अपने क्रूर हत्ये कन्ने भारतिये उपपर नेके तरे दे जुलम करदी गेई ते सुतंतरता दे दिवाने भारती लोक बी उसदा हर म्हाज (front) उपपर मकाबला करदे होए अपने लक्ष्य पासै अगमै-अगमै गै बधदे गे हे । पर उद्धर अंग्रेजी सरकार दे आला अफसरें इस तत्ये गी तां वी मंजूर नेई हा किता जे भारत बिच ब्रिटिश राज हून किश बरे दे गै परोहना ऐ । जिसलै लार्ड लिनलिथगो (भारत च वायसराय) नै 1943 ई० च भारत च अपना प्रस्थान किता हा तां उदे दिलै च इक झूठे विश्वासने घर कित्ते दा हा जे 'उनें सुतंतरता संग्राम दे सपाहिये दा काफी हद्द तक लक्क चोड़ी दित्ते दा ऐ ते इंयां भारत च ब्रिटिश राज दियां जडां होर पक्कियां करी छोड़ियां न पर असलियत ते ए ही जे उनें अपने हक्क आस्तै बगैर हथ्यारे दे लड़नें आले भारतिये उपपर जुलम करिये जेहड़ियां उंदे खूनें दियां नदियां बगाइयां हां उंदे कन्ने ते ओ अंग्रेजी राज दियां भारत च जडां गै खोखलियां करी जा करदे न । उस वायसराय दे जुलमे दे बरोध च ते इस दोषारोपण गी झूठा सिद्ध करने आस्तै जे भारत छोड़ो आंदोलन दे तुफानी दौर दे दुरान च जेहड़ी केई जोशीले गभरुए केइये शैहरें च तोड़-फोड़ ते अग्गीं लाने बगैरा दियां कारबाइयां कित्तियां न उंदे लेई गांधी हुंदा नेतृत्व गै जुम्मावार ऐ—जिसलै म्हातमा होरें 21 दिनें दा उपवास किता हा तां सारे तरखल्ली पेई गेई ही । सारे भारत च जंगा-जंगा गांधी हुंदी दीर्घायु आस्तै प्रार्थना सभां होन लगियां ते सारी दुनियां च अंग्रेजी सरकार दी बदनामी होई जाने करिये शाही परोआर तक शर्मिदगी मसूस करन लगा हा ।

इसै दुरान च म्हातमा होरें गी दो होर सदमे झल्लनै पे हे । पैह्लें उंदे निजी सचिव महादेव देसाई दी मौती दा फही अपनी पत्नी कस्तूरबा गांधी हुंदी मौती दा, पर इसदे बाबजूद उनें बड़े संयम कन्ने कम्म लेइये अपने देशवासिये गी उस संगीनी दौर च अपने नेतृत्व कन्ने सुतंतरता प्राप्ति दे लक्ष्य गी हासल करने आस्तै अपनी लड़ाई जारी रखने दी प्रेरणा गै दिती ही । पर कुदरत दे रंग बी न्यारे गै होंदे न । म्हातमा हुंदी केई अपीलें दे बाबजूद मुस्लिम लीग दे संस्थापक नेता मोहम्मद अली जिन्ना होरें मुस्लिमानें आस्तै दो कौमों दी थियरी उपपर अधारत पाकिस्तान नां कन्ने अपना बक्खरा राज बनाने दी रट जारी गै रक्खी ही । ओ भारत दे मुस्लिम अक्सरीयत आले लार्के च पाकिस्तान बनाना चांह्दे हे । म्हातमा 'गांधी ते दूए' नेते जियां पं० जवाहर लाल नेहरू, मौलाना आजाद, सरदार पटेल बगैरा ने उस अगमें बथेरियां मिन्नतां, अपीलां ते इत्तजां कित्तियां हां पर ओ शख्स अपनी जिद्द कोला टस थमां मस बी नेई हा होआ । असल च उसी बी अंग्रेजी सरकार दे एजेंटे दी शैह् ही । अंग्रेज भारत दे लोके गी आजादी ते देना चांह्दे हे पर 'लंगड़ी आजादी', ओ चांह्दे हे साडे पिच्छुआं हिंदू ते मुस्लिमान जिस चाल्ली म्हेशां लड़दे गै रोहून ओ कम्म करिये जाओ । ओ ते देसी राजें गी ते सिक्खें भ्राएं गी बी बक्कहाने-फटाने दे खड़जंतर चलास करदे हे जिसदे च उनें गी काफी हद्द तक कामयाबी वी मिली ही पर बाद च सरदार पटेल हुंदी सूझ-बूझ कन्ने देसी रियास्तें दा मसला हल्ल करी लैता गेआ हा ।

जिसलै 1944 च सारे कांग्रेसी नेता जेलें चा छोड़ी दित्ते हे तां वी ए आंदोलन

बदस्तूर चला करदा हा बल्के बाद बिच केई बारी इन्न होर मता उग्र रूप धारण करी लेआ हा ने कुतै-कुतै मजदूरें दियां केई-केई दिन हड़तालां, स्कूल कालजे दे विद्यार्थिये द्वारा अपनिये पदाइये दा बहिष्कार करिये जलसै करने, जलूस कड्डने, सरकारी अमारतें गी बग्गीं लागियां ते भन्न-तोड़ करनी बगैरा दा सिलसिला चलदा गै रेहा हा । नतीजे दे तौर पर ब्रिटिश सरकार दा काफिया भलेआं गै तंग होई गेआ हा । इसै करी इस भारत छोड़ो आंदोलन दे उग्र रूप गी दिक्खिये ब्रिटिश प्रधान मंत्री ने अपनी इक रपोर्ट च मता पैह्लें लिखेआ हा जे—ए आंदोलन ते 1857 ई० दे आंदोलन कोला वी बड़ा भँकर ते अनुशासत ऐ ।

अंत च इयें नतीजा निकलदा ऐ जे ए भारत छोड़ो आंदोलन दियां गै बरकतां हियां जे ठीक पंजे बरे ते छे दिनें बाद 15 अगस्त 1947 ई० गी अंग्रेजे अपना बोरिया बिस्तरा गोल करिये भारत गी आजाद करना गै पेआ हा पर जंदे-जंदे ओ अपने हथकंडे च कामयाब होई गे हे जे इस मुखे दे पूरबी पाकिस्तान (बंगाल, हून बंगला देश) ते पश्चमी पाकिस्तान ते भारत दे रूप च गै टुकड़े करिये गै गे हे ते इंयां इस कहावत गी चरितार्थ करी गे हे जे 'बक्करी दुद्ध ते दिंदी ऐ पर मींडणां पाइयै' । उंदी उस चाल दा नतीजा पाकिस्तान वी भुगता करदा ऐ, बंगला देस वी ते भारत वी । देसे दे बटोआरे कन्ने लक्खां लोक उज्जड़े ते जहारां मरे ते 1947 ई० कोला अज्ज तोड़ी दौनी मुखे दे दरम्यान नै जुद्ध वी होई चुके न पर खलासी फी वी नेई । हून वी सीमा उपपर तनाब बदस्तूर बने दा ऐ । काशीर च उग्रवाद दा मसला ते पंजाब च उग्रवाद दा मसला वी इनें दौनी मुखे दी कशीदगी ते घुमनी दा गै भँकर नतीजा ऐ ।

भारत बिचा अंग्रेजी सरकार दा तखता उलटने च उस बेले दे आखंड भारत दे हर बगर ने अपना-अपना पूरा-पूरा जोगदान दित्ता हा । इसी अंग्रेजे दे चुंगल कोला आजाद कराने आस्तै बलिदान हिंदुएं वी दित्ते हे मुसलमाने वी सिक्खें वी ते दलितें वी । इस आस्तै आजादी दा ए बूटा हर धर्म ते जात दे माह्नु दे लहू कन्ने सीचेआ गेदा ऐ । इस सचाई गी भूलना नेई चाहिदा ।

जिसलै देसे दा बटोआरा होने दा खोरला फंसला गै होई गेआ हा तां वी म्हातमा होरें आवेआ हा देसे दा बटोआरा मेरी लाशा पर गै होग सै सच्च गै होआ । अजादी मिलने दे परेण लमभय डेड साले दे बाद ओ नाथूराम गोडसे दी गोली दा नशाना बनिये राम राम करदे गुने सधारी गे हे । उपपरले व्यारे कोला स्पष्ट होई जंदा ऐ जे ए 'भारत छोड़ो' आंदोलन दी गै बरकत ही जेदे फलसरूप साड़ा मुक्त अजाद होआ हा । ०००